

† Onna Maria Venzin, Rueras

Cun tun lamentont annunzia il zenn da S. Giachen a nus la prematura mort da nossa convischina Onna Maria Venzin da Rueras/Tujetsch che ha bandunau nus en siu 67avel onn. Onna Maria Venzin ei naschida ils 16 d'avrel 1898, sco secunda veglia da 6 fargliuns, dus buobs e quater buobas. Sche nus vulein dar mo ina cuorta egliada sur da sia veta, sche stuein nus, era sche ella ei buca stada maridada, numnar la defuncta ina vera mumma da biars orfans che pliran e bragian sper la defuncta, laschond vegnir endament il bien ch'ella ha fatg cun cor matern.

Onna Maria ha gia baul istuiu beiber il peter calisch della veta. Ella ha piars sia mumma già cum dudisch onns e remplazzar la mumma a ses fargliuns. In special bien cor haveva la defuncta per siu concarstgaun en miserias. Cheu era la cara defuncta adina promta per tut e semuspeva da negina lavur, malgrad ch'ella haveva savens aunc da batter culla sanadad. Cun sia lavur al concarstgaun ha ella era sgurdinai ad in sgurdinar sia sanadad. En buca meins che 36 pigliolas ha la defuncta gidau e mirau tier quelles mummas. Tgi fages quei oz? Igl emprem era mo puder gidar siu concarstgaun en miserias e pér suenter vegneva la pintga pagaglia ch'ella strusch astgava dumandar. En dudisch onns ha la defuncta giu siat grevas operaziuns. Malgrad tut quei ei ella sededicada 18 onns adina mo al survetsch per ils auters. Ei menass memia lunsch

da vuler menzionar tuts ils numis, mo oz ein segiramein tuts che laian vegnir endamen la cara defuncta cun in pietus Requiem.

Vegnerd sia nauscha e maligna malsogna adina pli mulestusa, ha la Onna Maria stoviu star a casa per forza e quei ei stau per ella il pli grev. da buca puder gidar pli ils auters. Aschia scheva ella aunc ils davos, quei che jeu hael fatg als auters quei vaiel fatg bugen, e stundel mo mal che vaiel buca aunc saviu far dapli. Quei ei mo vera cardientscha che sa far e dir, co jeu fetschel vess da buca saver gidar quellas paupras mummas. Ella scheva savens a sias soras mei e gidei sche pudeis. Tgei bi ideal che maunca pér da memia en nos dis. L'Onna Maria ha surportau sia greva, liunga e dolorusa malsogna cun exemplarica pazienzia e la finala rendiu sia buna olma a siu sccaffider, tgemblada da merets pil Sogn Parvis. Ussa eis ella liberada da tuts mals terresters e sa guder ella gloria celestiala sia pagaglia bein meritada. Nus vegnin a tener la cara defuncta en buna memoria e condolein da cor allas soras e famiglias en malencurada. La glisch perpetna sclareschi sia olma. R.I.P.